

SOALAN :

PEMBERITAHUAN PERTANYAAN JAWAB LISAN DEWAN RAKYAT

MESYUARAT KE DUA, PENGGAL KE LIMA,

PARLIMEN EMPATBELAS

PERTANYAAN : JAWAB LISAN

DARIPADA : YB DATUK SERI SAIFUDDIN NASUTION BIN ISMAIL (KULIM BANDAR BAHARU)

RUJUKAN : L0409

SOALAN :

Datuk Seri Saifuddin Nasution bin Ismail [Kulim Bandar Baharu] minta MENTERI DALAM NEGERI menyatakan cabaran semasa negara berdepan ancaman penyalahgunaan dadah, apakah undang-undang sedia ada memadai dan jelaskan strategi atau pendekatan semasa PDRM menangani isu ini.

JAWAPAN:

Tuan Yang Di Pertua,

Kementerian Dalam Negeri (KDN) melalui Agensi Antidadah Kebangsaan (AADK) sentiasa menyemak dan menambah baik dasar dan strategi Kerajaan dalam menangani permasalahan dadah supaya disesuaikan dengan perubahan semasa berasaskan bukti saintifik (evidence-based) dan amalan terbaik yang dilaksanakan di dalam dan luar negara. Justeru, Dasar Dadah Negara (DDN) telah dikemas kini pada tahun 2017 dengan mengambil kira ancaman semasa serta *trend* penagihan dan penyalahgunaan yang telah berubah daripada dadah jenis tradisional kepada dadah sintetik.

Sehubungan dengan itu, perundangan semasa perlu mengambil kira perkembangan *trend* penagihan terkini agar kekal relevan untuk dikuatkuasakan di Malaysia. Mesyuarat Jawatankuasa Bertindak Penguatkuasaan Undang-Undang yang telah dipengerusikan oleh Menteri Dalam Negeri pada 21 Julai 2020 bersetuju bahawa suatu dasar pengalihan penyalah guna dadah dari hukuman penjara ke program rawatan dan pemulihan dadah perlu dilaksanakan. Tujuan utama dasar ini adalah untuk meningkatkan akses rawatan dan pemulihan dadah supaya golongan ini dapat kembali berfungsi dan produktif kepada masyarakat. Ketika ini, Kementerian sedang menyediakan Rang Undang-Undang Penyalahgunaan Dadah dan Bahan (Pencegahan, Rawatan dan Pemulihan) bagi melaksanakan dasar baharu tersebut.

Akta baharu ini merangkumi aspek perundangan yang lebih komprehensif dan tersusun bagi membolehkan lebih ramai penagih dan penyalah guna

dadah dan bahan dapat menerima rawatan atau pemulihan sewajarnya. Selain itu, ia memberikan akses penyalah guna dadah kepada rawatan dan pemulihan dan memberikan peluang kedua kepada mereka bagi menjalani proses rawatan dan pemulihan di dalam institusi atau komuniti. Proses kepulihan sepanjang hayat yang ditawarkan ini secara tidak langsung boleh membantu mereka mengekalkan kepulihan dan mampu mencegah mereka daripada terjebak semula dalam kancah penagihan dadah.

PERAKUAN

Dengan hormatnya jawapan yang disediakan oleh **Bahagian Kependajaan, Antidadah dan RELA** telah diperakukan oleh **SETIAUSAHA BAHAGIAN** dan diangkat untuk pertimbangan YB MDN jua.

Disahkan oleh:

Tarikh:

**DATUK MUSA BIN SULAIMAN
SUB (PDR)**

Diperakukan oleh:

Tarikh:

**DATO' HJ ABDUL HALIM BIN HJ ABDUL RAHMAN
TIMBALAN KETUA SETIAUSAHA
(KESELAMATAN)**

Diluluskan oleh:

Tarikh:

**DATO' SRI WAN AHMAD DAHLAN
BIN HAJI ABDUL AZIZ
KETUA SETIAUSAHA**

Dipersetujui oleh: